

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱՂՈՒԹՅՈՒՆ**

**2023-2025**

**ԹՎԱԿԱՆՆԵՐԻ ՄԻՋՆԱԺԱՄԿԵՏ ԾԱԽՍԱՅԻՆ ԾՐԱԳՐԻ**

**ԵՎ 2023**

**ԹՎԱԿԱՆԻ ԲՅՈՒՋԵՏԱՅԻՆ ՖԻՆԱՆՍԱՎՈՐՄԱՆ ՀԱՅՏ**

**1. ԶԱՐԳԱՑՄԱՆ ՄԻՏՈՒՄՆԵՐԸ ՆԱԽՈՐԴՈՂ ՄԻՋՆԱԺԱՄԿԵՏ ՀԱՏՎԱԾՈՒՄ**

ՀՀ Կառավարության 2004թ. հուլիսի 22-ի № 1127-Ն որոշման 3-րդ կետի գ) ենթակետի կատարումն ապահովելու նպատակով՝ ՀՀ ԳԱԱ «Փորձաքննությունների ազգային բյուրո» ՊՈԱԿ-ի և ՀՀ դատախազության միջև նախորդ տարիների ընթացքում կնքվել են պետության կարիքների համար ծառայությունների մատուցման պետական գնման համապատասխան պայմանագրեր, որոնց շրջանակներում՝ սկսած 2008 թվականից յուրաքանչյուր տարի Կազմակերպությունում իրականացվել են փորձաքննություններ նշանակելու և ելակետային տվյալների ձեռք բերման իրավասություն ունեցող աշխատակիցների դատափորձագիտական բնագավառում մասնագիտական վերապատրաստման և որակավորման բարձրացման դասընթացներ՝ սահմանված ժամանակացույցին համապատասխան, սակայն 2021 թվականի համար ՀՀ պետական բյուջեով ՀՀ դատախազությանը հատկացված գումարը ՀՀ կառավարության որոշմամբ վերաբաշխման միջոցով ուղղվել է այլ ծրագրերի՝ այդ թվում փորձաքննությունների կատարման լրացուցիչ ծառայությունների ձեռք բերման ֆինանսավորմանը՝ իրականացմանը:

Հարկ է նշել, որ նշված ծրագրով դասընթացներն իրականացվում են համաձայն նախապես կազմված և հաստատված կրթական մոդուլների /ծրագիր-սեղմագրերի/, որոնցում ելնելով ժամանակակից պահանջներից, 2023-2025 թվականների համար ներառվում են 74 թեմաներ՝ փորձաքննությունների առնվազն թվով 25 տեսակներով:

Կազմակերպության համապատասխան ստորաբաժանումների կողմից կազմվում և Կազմակերպության Գիտական խորհրդի հաստատմանն են ներկայացվում համապատասխան ծրագիր-սեղմագրեր՝ ներառելով ՀՀ կառավարության որոշմամբ յուրաքանչյուր տարի սահմանված թվով 71, իսկ 2023-2025 թվականների համար սահմանվող տվյալ վերապատրաստման դասընթացների համար նախատեսված դասախոսությունների թվով 74 թեմաները (ընդգրկված են նաև դասախոսությունների լրացուցիչ թեմաներ՝ ըստ անհրաժեշտության):

Ստորև ներկայացվում են 2019-2020թթ. ընթացքում դասընթացներին մասնակցած ունկնդիրների վերաբերյալ ամփոփ տվյալները.

N	Տարեթիվ	Գիտաուսումնական աշխատանքների շրջանակներում իրականացված ուսուցողական դասընթացներին մասնակցած ունկնդիրների քանակային տվյալներն ըստ մարմինների													Ընդ.
		ՀՀ ԿԱ ՊԵԿ	ՀՀ ՊՆ	ՀՀ Ոստիկանություն	ԱՀ Ոստիկանություն	ՀՀ ՌՈ	ՀՀ ԱԻՆ	ԱՀ ՊՆ	ՀՀ Քննչ. կոմիտե	ՀՀ ԱՆ քրեակատարողական վարչություն	ՀՀ Դատախազություն	ՀՀ ԱԱԾ	ԱՀ Քննչ. կոմիտե	ԱՀ Արտակարգի ռազմ. ծառ	
1.	2019	-	54	108	20	21	-	-	20	22	23	8	23	2	301
2.	2020	-	-	-	-	-	-	-	21	-	-	9	-	-	30
3.	2022*	-	92	100	25	25	-	-	20	30	30	15	-	-	337

\*Տվյալներ, որոնք նախատեսվում են իրականացնել 2022թվականին

## 2. ՆՊԱՏԱԿՆԵՐԸ ԵՎ ԹԻՐԱԽՆԵՐԸ ՄԺԾԾ ԺԱՄԱՆԱԿԱՀԱՏՎԱԾՈՒՄ

Փորձաքննությունների համար ելակետային տվյալներ ձեռք բերելու պարտականություններ և փորձաքննություններ նշանակելու լիազորություն ունեցող իրավասու մարմինների աշխատողների ուսուցման, վերապատրաստման և որակավորման բարձրացման դասընթացների առավել որակյալ կազմակերպման և իրականացման ապահովման նպատակով 2023-2025թթ-ի ընթացքում նախատեսվում է փորձագիտական տարբեր ուղղություններով և տեսակներով կազմել նոր ծրագիր-սեղմագրեր:

2023-2025թթ-ի ընթացքում նախատեսվում է կազմվող ծրագիր-սեղմագրերի կիրառմամբ կատարելագործել իրականացվող դասընթացները Հայաստանի Հանրապետության ոստիկանության համապատասխան ծառայողների, Հայաստանի Հանրապետության պաշտպանության նախարարության համակարգի իրավասու աշխատակիցների, Հայաստանի Հանրապետության քննչական կոմիտեի քննիչների, Հայաստանի Հանրապետության պետական եկամուտների կոմիտեի, Հայաստանի Հանրապետության դատախազության, Հայաստանի Հանրապետության արտակարգ իրավիճակների նախարարության, Հայաստանի Հանրապետության հակակոռուպցիոն կոմիտեի, Հայաստանի Հանրապետության ազգային անվտանգության ծառայության իրավասու աշխատակիցների, Արցախի Հանրապետության ոստիկանության համապատասխան ծառայողների, Արցախի Հանրապետության քննչական կոմիտեի քննիչների, Արցախի Հանրապետության արտակարգ իրավիճակների ծառայության իրավասու աշխատակիցների, ինչպես նաև իրավապահ ոլորտի իրավասու այլ մարմինների աշխատակիցների համար՝ ըստ գերատեսչությունների կողմից ներկայացվող առաջարկությունների:

Պարբերաբար լրամշակվում են նաև փորձաքննությունների համար ելակետային տվյալներ ձեռք բերելու պարտականություններ և փորձաքննություններ նշանակելու լիազորություն ունեցող իրավասու մարմինների աշխատողների ուսուցման, վերապատրաստման և որակավորման դասընթացների արդյունքում ձեռք բերված գիտելիքների ստուգման քննական թեստերի հարցաշարերը՝ նոր ընդգրկվող թեմաներին համապատասխան:

Կազմակերպության համապատասխան ստորաբաժանումների կողմից ունկնդիրների յուրաքանչյուր խմբի համար մշակվում են համապատասխան ծրագիր-սեղմագրեր, որոնցում ներառվում են Կազմակերպության Գիտական խորհրդի կողմից քննարկված և հաստատված թեմաները: Ընդ որում, կազմակերպվող դասընթացների նեղ մասնագիտական ուղղությունների ցանկը և ուսումնական ծրագրերը յուրաքանչյուր խմբի համար մշակվում են անհատականապես՝ հաշվի առնելով անհրաժեշտ պահանջները, նորագույն գիտական նվաճումներն ու միջազգային առաջադեմ փորձը, ինչպես նաև հանցավորության շարժընթացները:

Այսինքն ունկնդիրների յուրաքանչյուր խմբի համար կազմվում է դասավանդման հատուկ ծրագիր, ելնելով մասնագիտական ուղղվածությունից և նրանց կողմից իրականացվող քրեական հետապնդման շրջանակներում առավել հաճախ նշանակվող փորձաքննությունների տեսակներից և ենթատեսակներից, դրանց իրականացման համար անհրաժեշտ ելակետային տվյալների ձեռքբերման և այլ առանձնահատկություններից:

Հարկ է նշել նաև, որ դասընթացներն անցկացվում են համապատասխան դիդակտիկ նյութերի (այդ թվում նաև՝ էլեկտրոնային կրիչների վրա տեղադրված), ժամանակակից համակարգչային տեխնիկայի, անհրաժեշտ գույքի, գրականության, ինչպես նաև ուսումնական ձեռնարկների օգտագործմամբ՝ անհրաժեշտության դեպքում դասընթացներն իրականացնելով նաև արտագնա եղանակով:

**3. ԾԱԽՍԱՅԻՆ ԳԵՐԱԿԱՅՈՒԹՅՈՒՆՆԵՐԸ ՄԺԾԾ ԺԱՄԱՆԱԿԱՀԱՏՎԱԾՈՒՄ**

Փորձաքննությունների համար ելակետային տվյալներ ձեռք բերելու պարտականություններ և փորձաքննություններ նշանակելու լիազորություն ունեցող իրավասու մարմինների աշխատողների ուսուցման, վերապատրաստման և որակավորման բարձրացման դասընթացների կազմակերպում և իրականացում, նպաստելով վերոնշյալ համապատասխան իրավասու մարմինների աշխատողների փորձագիտական բնագավառին առնչվող անհրաժեշտ տեսական և գործնական գիտելիքների ձեռքբերմանը՝ քրեադատավարական օրենսդրության շրջանակներում նշանակվող դատական փորձաքննությունների ժամանակակից տեխնոլոգիական հնարավորությունների ճիշտ և լիարժեք օգտագործումն ապահովելու, ինչպես նաև տրված փորձագիտական եզրահանգումների պատշաճ իրավական գնահատում տալուն աջակցելու նպատակով:

Գերակա ծախսային ուղղությունները ՄԺԾԾ ժամանակահատվածի համար՝ (ըստ գերակայությունների նվազման)	Հիմնավորումներ
Մասնագիտական ուսուցման և որակավորման բարձրացման կազմակերպում	ՀՀ կառավարության 22 հուլիսի 2004 թվականի N 1127-Ն որոշման 3-րդ կետի գ) ենթակետի պահանջների կատարում

**4. ՄԺԾԾ ԺԱՄԱՆԱԿԱՀԱՏՎԱԾՈՒՄ ԻՐԱԿԱՆԱՑՎԵԼԻՔ ԾԱԽՍԱՅԻՆ ԾՐԱԳՐԵՐԸ**

**4.1. Պարտադիր և հայեցողական ծախսերը**

Հաշվի առնելով նշված գործընթացի շարունակական իրականացման անհրաժեշտությունը միևնույն ժամանակ այն, որ 2022 թվականի հուլիսի 1-ից ուժի մեջ է մտնում նոր ՀՀ քրեական դատավարության օրենսգրքը, որով հետաքննությունը որպես սկզբնական փուլ նախատեսված չէ, ինչով էլ պայմանավորված ելակետային տվյալներ ձեռք բերելու պարտականություններ և

փորձաքննություններ նշանակելու լիազորություն ունեցող իրավասու մարմինների աշխատողների թվաքանակում տեղի կունենա որոշակի նվազում, ինչով պայմանավորված, ըստ կատարված ուսումնասիրությունների, 2023-2025թթ-ի ընթացքում նախատեսվում է լրացուցիչ կրթության շրջանակներում իրականացվող ուսուցման գործընթացում յուրաքանչյուր տարի ներգրավել 180 ունկնդիրների, որի համար յուրաքանչյուր տարի կպահանջվի 10800 հազ. դրամ գումար՝ հաշվի առնելով ունկնդիրների մասնագիտական գործունեության բարձր մակարդակի ապահովման նպատակով սահմանվող պահանջների տարեցտարի ավելացումը:

#### 4.2. Գոյություն ունեցող ծախսային պարտավորությունները

Ունենալով նպատակ 2023թ.-ի ընթացքում շարունակել վերը նշված լրացուցիչ կրթության շրջանակներում իրականացվող ուսուցման գործընթացը՝ ապահովել բարձրորակ մասնագիտական ներուժով, նաև պահպանելով և զարգացնելով համապատասխան նյութա-տեխնիկական բազան, այդ թվում համալրելով նորագույն դիդակտիկ նյութերով, տեխնիկական սարքավորումներով և համակարգչային ծրագրերով, 2023թ.-ի համար կպահանջվի հետևյալ ֆինանսական միջոցները ըստ տնտեսագիտական դասակարգման հոդվածների.

**«Աշխատավարձ և դրան հավասարեցված վճարներ»** տնտեսագիտական դասակարգման հոդվածի ձևավորման համար նախատեսվում է օգտագործել 2023թ.-ին՝ 6743.0 հազ.դրամ (առանց հաշվի առնելու առաջիկա տարիներին Հայաստանի Հանրապետությունում նվազագույն աշխատավարձի փոփոխությունները): Հարկ է նշել, որ նախատեսվող 6743.0 հազար դրամ գումարից պետական բյուջե վճարվելու է շուրջ 1800.5 հազար դրամի չափով եկամտային հարկ, սոցիալական և դրոշմանիշային վճարներ:

Ծախսերն ըստ **«Աշխատավարձ և դրան հավասարեցված վճարներ»** տնտեսագիտական դասակարգման հոդվածի կկազմեն համապատասխանաբար 2023թ.-ին՝ 6743.0 հազ.դրամ, 2024թ.-ին՝ 6743.0 հազ.դրամ, 2025թ.-ին՝ 6743.0 հազ.դրամ (հարկ է նշել, որ յուրաքանչյուր տարի նախատեսվող 6743.0 հազար դրամ գումարից պետական բյուջե վճարվելու է շուրջ 1800.5 հազար դրամի չափով եկամտային հարկ, սոցիալական և դրոշմանիշային վճարներ):

**«Նյութեր»**, այդ թվում **«Գրասենյակային նյութեր»** և **«Այլ նյութեր»** տնտեսագիտական դասակարգման հոդվածներով Ուսուցման համար անհրաժեշտ դիդակտիկ նյութերի, գրասենյակային ապրանքների, ուսումնական պրոցեսի հետ կապված ծառայությունների, ինչպես նաև կոմունալ ծախսերի, այդ թվում **«Էլեկտրաէներգիայի դիմաց վճարումներ»**, **«Գազի դիմաց վճարումներ»**, **«Այլ կոմունալ ծառայությունների դիմաց վճարումներ»** և **«Կապի ծառայությունների դիմաց վճարումներ»** տնտեսագիտական դասակարգման հոդվածներով ծառայությունների ձեռքբերման ծախսերը կկազմեն 2023 թվականին՝ շուրջ 2255.7

հազ.դրամ (հաշվի առնելով վերջին տարիներին տեղի ունեցած գնաճը), 2024 թվականին՝ շուրջ 2255.7 հազ.դրամ, 2025 թվականին՝ շուրջ 2255.7 հազ.դրամ:

**«Ներքին և արտասահմանյան գործուղումներ»** տնտեսագիտական դասակարգման հոդվածով արտագնա դասընթացներ կազմակերպելու նպատակով, նախատեսվում է 2023 թվականին՝ շուրջ 300.0 հազ.դրամ, 2024 թվականին՝ շուրջ 300.0 հազ.դրամ, 2025 թվականին՝ շուրջ 300.0 հազ.դրամ: Վերջինս հաշվարկվել է կանխատեսվող ուղղություններով արտագնա դասընթացների վայրեր գործուղելու հետ կապված ՀՀ Կառավարության 2005 թվականի դեկտեմբերի 29-ին ընդունված թիվ 2335-Ն որոշմամբ սահմանված գործուղվող աշխատողների ճանապարհաձախսի, օրապահիկի և գիշերավարձի նվազագույն չափերով: Ինչպես նշվեց արտագնա դասընթացները նախատեսվում է կազմակերպել ՀՀ ոստիկանության համապատասխան տարածքային ստորաբաժանումներում, ինչպես նաև ՀՀ ՊՆ զորամիավորումներում, զորամասերում և զինվորական հիմնարկներում, ըստ անհրաժեշտության նաև միաժամանակ երկու-երեք ուղղություններով՝ համապատասխան ղեկավարների առաջարկություններից ելնելով:

**«Այլ ծախսեր»** տնտեսագիտական դասակարգման հոդվածով, սույն ծրագրի պատշաճ իրականացումն ապահովելու նպատակով սպասարկման ծառայությունների՝ մասնավորապես փոստային ծառայության և այլ ծառայությունների ձեռքբերման նպատակով 2023թ.-ին նախատեսվում է 631.2 հազար դրամ, 2024թ.-ին՝ 631.2 հազար դրամ, 2025թ.-ին՝ 631.2 հազար դրամ:

**«Հարկեր, տուրքեր և այլ պարտադիր վճարներ»** տնտեսագիտական դասակարգման հոդվածով նախատեսվում է 2023 թվականին՝ շուրջ 1800.36 հազ.դրամ, 2024թ.-ին՝ շուրջ 1800.36 հազ.դրամ, 2025թ.-ին՝ շուրջ 1800.36 հազ.դրամ:

Անհրաժեշտ է նշել, որ տարեցտարի ավելանում են հանցագործությունների կատարման մեխանիզմներն ու հնարավորությունները, որի պարագայում նպատակահարմար է դասընթացների ամբողջական կազմակերպման համար ուսումնական պլանների մեջ ընդգրկել այդ առումով նոր թեմաներ՝ լրացուցիչ դասաժամերով (նաև տնտեսական հանցագործությունների կատարմանը վերաբերող թեմաներով, որոնց կատարման ընթացքում որպես գործիք օգտագործվում է փաստաթղթերի կեղծումը, շահումով խաղային ավտոմատների, հսկիչ դրամարկղային մեքենաների և այլնի ֆիսկալային հիշողությունների ոչնչացումը և այլն):

Հաշվի առնելով նշված գործընթացի շարունակական բնույթը, ինչպես նաև ելնելով այն նկատառումներից, որ սույն ծրագրի շրջանակներում մեր կողմից ներկայումս հնարավոր չէ ստույգ կանխատեսել ունկնդիրների ընդհանուր քանակության տարեկան աճ, ուստի՝ 2023-2025թթ.-ի ընթացքում լրացուցիչ կրթության շրջանակներում իրականացվող ուսուցման գործընթացում յուրաքանչյուր տարի նախատեսվում է ներգրավել 180 ունկնդիր:

Վերոնշյալ հաշվարկներից հետևում է, որ բյուջետային ծախսերի գործառնական դասակարգման 1144 ծրագրի 11001 միջոցառման դասիչով նախատեսված «Մասնագիտական ուսուցում և որակավորման բարձրացման կազմակերպում» ֆինանսավորվող ծրագրի շրջանակներում պետական բյուջեից նվազագույնը ակնկալվում է ֆինանսավորում 2023-2025 թվականների յուրաքանչյուր տարվա համար՝ 10800.0 հազար դրամի չափով՝ հաշվի առնելով ունկնդիրների մասնագիտական գործունեության բարձր մակարդակի ապահովման նպատակով սահմանվող պահանջների տարեցտարի ավելացումը:

#### 4.3. Նոր նախաձեռնությունները

2023-2025 թվականների ընթացքում ՀՀ ԳԱԱ «Փորձաքննությունների ազգային բյուրո» պետական ոչ առևտրային կազմակերպությունում նախատեսվում է փորձաքննությունների համար ելակետային տվյալներ ձեռք բերելու պարտականություններ և փորձաքննություններ նշանակելու լիազորություն ունեցող իրավասու մարմինների աշխատողների ուսուցման և վերապատրաստման ժամանակակից պահանջներին համապատասխան կազմակերպման նպատակով իրականացնել անհրաժեշտ նոր թեմաներով ծրագրեր-սեղմագրերի մշակում և ներդրում, ինչպես նաև դասավանդման սխեմաներում նորարարական հնարավորությունների ներդրում և կիրառում:

Վերոգրյալով պայմանավորված նախատեսվում է Կազմակերպության համապատասխան ստորաբաժանումների կողմից ունկնդիրների յուրաքանչյուր խմբի համար մշակել համապատասխան նոր ծրագիր-սեղմագրեր, որոնցում կներառվեն Կազմակերպության Գիտական խորհրդի կողմից քննարկված և հաստատված արդիական թեմաներ:

#### 6. ՏԱՐԱԾՔԱՅԻՆ ԶԱՐԳԱՑՄԱՆ և ՈՒՆԿՈՂ ԾՐԱԳՐԵՐԸ/ՄԻՋՈՑԱՌՈՒՄՆԵՐԸ

Ծրագրում համաչափորեն կներգրավվեն ՀՀ և ԱՀ իրավասու մարմինների կենտրոնական ապարատի և տարածքային ստորաբաժանումների ներկայացուցիչները՝ ըստ գերատեսչությունների ղեկավարների գրավոր առաջարկությունների և գերակայությունների:

#### 7. ԱՐՏԱՔԻՆ ԱՂԲՅՈՒՐՆԵՐԻՑ՝ ՊԵՏԱԿԱՆ ԲՅՈՒՋԵԻ ԽՈՂՈՎԱԿՆԵՐՈՎ ՍՏԱՅՎՈՂ ՎԱՐԿԵՐԻ ԵՎ ԴՐԱՄԱՇՆՈՐՀՆԵՐԻ ՀԱՇՎԻՆ ԻՐԱԿԱՆԱՑՎԵԼԻՔ ԾՐԱԳՐԵՐԸ/ՄԻՋՈՑԱՌՈՒՄՆԵՐԸ

Արտաքին աղբյուրներից՝ պետական բյուջեի խողովակներով ստացվող վարկերի և դրամաշնորհների հաշվին իրականացվելիք ծրագրեր «Մասնագիտական ուսուցում և որակավորման բարձրացման կազմակերպում» ծրագրի կատարման գծով Կազմակերպությունը չունի:

#### 8. ՄԺԾԾ ԺԱՄԱՆԱԿԱՀԱՏՎԱԾՈՒՄ ՖԻՆԱՆՍԱԿԱՆ ՊԱՀԱՆՋՆԵՐԻ ԱՄՓՈՓՈՒՄ

Վերոնշյալ հաշվարկներից հետևում է, որ բյուջետային ծախսերի գործառնական դասակարգման 1144 ծրագրի 11001 միջոցառման դասիչով նախատեսված «Մասնագիտական ուսուցում և որակավորման բարձրացման կազմակերպում» ֆինանսավորվող ծրագրի շրջանակներում պետական բյուջեից նվազագույնը ակնկալվում է ֆինանսավորում 2023-2025 թվականների յուրաքանչյուր տարվա համար՝ 10800.0 հազար դրամի չափով:

**Աղյուսակ N 1. Ոլորտի (համակարգի) ծրագրերի գծով 2023-2025թ.թ. ծախսերի կանխատեսում**

Ծրագրի դասիչը	Միջոցառման դասիչը	Ծրագրի անվանում	2022թ. հաստատված բյուջե	Կանխատեսում		
				2023թ.	2024թ.	2025թ.
		Ա	1	2	3	4
1144	11001	«Մասնագիտական ուսուցման և որակավորման բարձրացման կազմակերպում», այդ թվում	15990.9	10800.0	10800.0	10800.0
		Ընթացիկ ծախսեր	15990.9	10800.0	10800.0	10800.0
		Կապիտալ ծախսեր	0.0	0.0	0.0	0.0
Ընդամենը պարտավորություններ, որից			15990.9	10800.0	10800.0	10800.0
Ընթացիկ ծախսեր			15990.9	10800.0	10800.0	10800.0
Ընթացիկ կապիտալ ծախսեր			0.0	0.0	0.0	0.0

Տնօրեն՝

Ա. Հովսեփյան

Ֆինանսատնտեսագիտական բաժնի պետ – գլխավոր հաշվապահ՝

Ռ. Պապիկյան

Ծրագրի հիմնավորումում նշված տեղեկատվության նախապատրաստման համար պատասխանատուներ՝ տնօրենի տեղակալ փորձաքննությունների գծով Ա.Գահնապետյան, տնօրենի տեղակալ ֆինանսական և տնտեսական հարցերի գծով Ի. Աբաջյան, տնօրենի տեղակալ գիտության գծով Պ.Ոսկանյան, ֆինանսատնտեսագիտական բաժնի տնտեսագետ Ա.Գրիգորյան

**Հավելված N 12**

ՄԺԾԾ ԺԱՄԱՆԱԿԱՏՎԱԾՈՒՄ ՀՀ ԿԱՌԱՎԱՐՈՒԹՅԱՆ ՈԼՈՐՏԱՅԻՆ ՔԱՂԱՔԱԿԱՆՈՒԹՅՈՒՆԸ

**1. ՈԼՈՐՏԸ**



Փորձաքննությունների համար ելակետային տվյալներ ձեռք բերելու պարտականություններ և փորձաքննություններ նշանակելու լիազորություն ունեցող իրավասու մարմինների աշխատողների ուսուցման, վերապատրաստման և որակավորման բարձրացման դասընթացների կազմակերպում և իրականացում դատափորձագիտական ոլորտում:

2023-2025թթ-ի ընթացքում նախատեսվում է կազմվող ծրագիր-սեղմագրերի կիրառմամբ կատարելագործել իրականացվող դասընթացները Հայաստանի Հանրապետության ոստիկանության համապատասխան ծառայողների, Հայաստանի Հանրապետության պաշտպանության նախարարության համակարգի իրավասու աշխատակիցների, Հայաստանի Հանրապետության քննչական կոմիտեի քննիչների, Հայաստանի Հանրապետության պետական եկամուտների կոմիտեի, Հայաստանի Հանրապետության դատախազության, Հայաստանի Հանրապետության արտակարգ իրավիճակների նախարարության, Հայաստանի Հանրապետության հակակոռուպցիոն կոմիտեի, Հայաստանի Հանրապետության ազգային անվտանգության ծառայության իրավասու աշխատակիցների, Արցախի Հանրապետության ոստիկանության համապատասխան ծառայողների, Արցախի Հանրապետության քննչական կոմիտեի քննիչների, Արցախի Հանրապետության արտակարգ իրավիճակների ծառայության իրավասու աշխատակիցների, ինչպես նաև իրավապահ ոլորտի իրավասու այլ մարմինների աշխատակիցների համար՝ ըստ գերատեսչությունների կողմից ներկայացվող առաջարկությունների:

## **2. ՈԼՈՐՏԱՅԻՆ ՔԱՂԱՔԱԿԱՆՈՒԹՅԱՆ ՀԻՄՆԱԿԱՆ ԹԻՐԱԽՆԵՐԸ**

Հիմնական թիրախներն են՝ փորձաքննությունների համար ելակետային տվյալներ ձեռք բերելու պարտականություններ և փորձաքննություններ նշանակելու լիազորություն ունեցող իրավասու մարմինների աշխատողների ուսուցման, վերապատրաստման և որակավորման բարձրացման դասընթացների կազմակերպումը՝ իրավապահ համակարգի գործունեության արդյունավետության բարձրացման նպատակով:

Անհրաժեշտ է նշել, որ տարեցտարի ավելանում են հանցագործությունների կատարման մեխանիզմներն ու հնարավորությունները, որի պարագայում նպատակահարմար է դասընթացների ամբողջական կազմակերպման համար ուսումնական պլանների մեջ ընդգրկել այդ առումով նոր թեմաներ՝ լրացուցիչ դասաժամերով նշված ժամանակահատվածի առավել արդիական փորձագիտական ուղղություններով:

## **3. ՈԼՈՐՏԱՅԻՆ ԾԱԽՍԱՅԻՆ ԾՐԱԳՐԵՐԸ ԵՎ ԾԱԽՍԱՅԻՆ ԳԵՐԱԿԱՅՈՒԹՅՈՒՆՆԵՐԸ**

Փորձաքննությունների համար ելակետային տվյալներ ձեռք բերելու պարտականություններ և փորձաքննություններ նշանակելու լիազորություն ունեցող իրավասու մարմինների աշխատողների /նախաքննության, հետաքննության և այլ մարմինների աշխատակիցների/ ուսուցման, վերապատրաստման և որակավորման բարձրացման դասընթացների կազմակերպման և իրականացման նպատակով արդեն իսկ հաստատված ծրագիր-սեղմագրերի վերանայում՝ հաշվի առնելով դասաժամերի տևողության փոփոխությունը, ուստի անհրաժեշտ է բոլոր ծրագիր-սեղմագրերը համապատասխանեցնել նոր սահմանված դասաժամերին,

իրականացնել դասախոսական անձնակազմի վերապատրաստում և որակավորման բարձրացում, ինչպես նաև նոր գրականության համալրում և այլն:

#### 4. ՈԼՈՐՏԱՅԻՆ ԾԱԽՍԵՐԻ ԳՆԱՀԱՏԱԿԱՆԸ

##### **Գոյություն ունեցող ծախսային ծրագրերը (պարտավորությունները)**

Հաշվի առնելով նշված գործընթացի շարունակական իրականացման անհրաժեշտությունը, միևնույն ժամանակ այն, որ 2022 թվականի հուլիսի 1-ից ուժի մեջ է մտնում նոր ՀՀ քրեական դատավարության օրենսգիրքը, որով հետաքննությունը որպես սկզբնական փուլ նախատեսված չէ, ինչով էլ պայմանավորված ելակետային տվյալներ ձեռք բերելու պարտականություններ և փորձաքննություններ նշանակելու լիազորություն ունեցող իրավասու մարմինների աշխատողների թվաքանակում տեղի կունենա որոշակի նվազում, ինչով պայմանավորված, ըստ կատարված ուսումնասիրությունների, 2023-2025թթ.-ի ընթացքում լրացուցիչ կրթության շրջանակներում իրականացվող ուսուցման գործընթացում յուրաքանչյուր տարի նախատեսվում է ներգրավել 180 ունկնդիր:

2023-2025թթ.-ի ընթացքում շարունակելով վերը նշված լրացուցիչ կրթության շրջանակներում իրականացվող ուսուցման գործընթացը նախատեսվում է ապահովել բարձրորակ մասնագիտական ներուժով, նաև պահպանելով և զարգացնելով համապատասխան նյութա-տեխնիկական բազան, այդ թվում համալրելով նորագույն դիդակտիկ նյութերով, տեխնիկական սարքավորումներով և համակարգչային ծրագրերով: Այսպիսով բյուջետային ծախսերի գործառնական դասակարգման 1144 ծրագրի 11001 միջոցառման դասիչով նախատեսված «Մասնագիտական ուսուցում և որակավորման բարձրացման կազմակերպում» ֆինանսավորվող ծրագրի շրջանակներում պետական բյուջեից նվազագույնը ակնկալվում է ֆինանսավորում 2023-2025 թվականների յուրաքանչյուր տարվա համար՝ 10800.0 հազար դրամի չափով:

Տնօրեն՝

Ա. Հովսեփյան

Ֆինանսատնտեսագիտական բաժնի  
պետ – գլխավոր հաշվապահ՝

Ռ. Պապիկյան

Ծրագրի հիմնավորումում նշված տեղեկատվության նախապատրաստման համարպատասխանատուներ՝ տնօրենի տեղակալ փորձաքննությունների գծով Ա.Գահնապետյան, տնօրենի տեղակալ ֆինանսական և տնտեսական հարցերի գծով Խ. Աբաջյան, տնօրենի տեղակալ գիտության գծով Պ.Ոսկանյան, ֆինանսատնտեսագիտական բաժնի տնտեսագետ Ա.Գրիգորյան: